

compercationem. Illud idem in Popiliensium civitate sacramentum sequi intensi remisso [a] propter civitatis honorem esse recognoscas.

Quando Faventini ceperunt arcem de Monte Majore.

CAP. CCXVII.

Post gloriosum Virginis partum MCCXXXVI, mense Julii, equitavere milites portae Montanariae una cum eorum peditibus, et pedites portae Imolensis cum eis, apud castrum seu arcem de Monte Majore, quod inexpugnabile ab omnibus iudicabatur, ubi Teutonici Imolensium [b]... et voluntate [c] quorundam de terra consederant, ut Faventini et alia circumstantia possent obtinere loca, dictum castrum et arcem praeliando ceperunt; quod postea vicina Romania (dolore) ducta [d] ignis flamma cremari vidit [e].

Quando Faventini misere L milites apud Mantuam in servitium Societatis Lombardiae.

CAP. CCXVIII.

Sub anno Domini MCCXXXVI, mense Septembris, miserunt Faventini in servitium societatis Lombardiae apud Mantuam et Brixiam, quinquaginta milites cum victualibus et aliis necessariis optime praeparatis ad serviendum, et cum eis Rubacontem de Mandello eorum potestatem ad resistendum, ne dominus Imperator, de Alemania rediens, in Lombardiam descenderet cum apud Villam Francam et Fontanam existeret; [f] tamen eis invitis [g], adiutorio Cilini [h] et Salinguerrae, et etiam Cremonensium, Parmensium ac Mutinensium descendit, ubi ingens affuit tremor [i] et timor propter traditionem quorundam. Et sic completa est prophetia illa Michaelis Scoti quae dicit: Sic Brixia vexilla... fugiet.

Quando Faventini iverunt Bretenorium et ad pontem Sancti Gervasii.

CAP. CCXIX.

Anno Domini MCCXXXVI, die primo Octobris, Faventini die quadam civitate omnes egredientes Forlivii [j] usque castrum Bretenorii equitaverunt; et dum ibi moram

[a] sequi intensi remisso. Codd. V. et A. sic. Nec facile est lectionem restituere; cum qui exscripserunt Cod. Manfred. eam non bene assequeuti sint, nec nobis possibile sit codicem ipsum consulere, quia mutilus est; neque spes est ulla inveniendi ea, quae ipsi deficere supra monuimus. — [b] Imolensium.... Sic Codd. Lacuna vero relicta suppleri fortasse posset, addita voce: consilio. — [c] et voluntate. Sic C. V.; ex voluntate, C. A. — [d] dolore ducta, C. A.; ducta, C. V. — [e] ignis flamma cremari vidit. In C. V., igne flamma cremari viderunt. In C. A., pro igne, est; igni. — [f] cum apud Villam Francam, et Fontanam existeret. Sic C. A.; eum apud Villam Francam et Fontanas existentem, C. V. — [g] et tamen eis invitis. Sic lego. In C. V., tamen eis invitis; in C. A., et eis invitis. — [h] adiutorio Cilini. Sic Codd., scilicet Ezelini. — [i] affuit tremor, C. V.; affuit timor, C. A. — [j] civitate omnes egredientes Forlivii. Sic lego. C. V., civitatem omnes egrediuntur Forlivii; C. A., civitatem omnes egredientes Forlivii.